

DEN AMBIENTE....

Fotos y Texto: Jan Poets

NICO CONNOR CU UN TREMENDO CD "CARNIVAL HITS"..

** E talentoso musico, NICO CONNOR, ta bolbe lansa un tremendisimo produccion riba "Steel Pan" titula "CARNIVAL HITS".

E biaha aki Nico Connor a trese un estilo nobo, den cual e "Steel Pan" ta ser reforsa cu otro instrumentonan y tambe cu back up vocal, cual ta hasi e produccion aki uno totalmente diferente.

E CD aki un parti ta concentra pa e temporada di carnaval y tambe ta contene cancionnan suave riba e dushi ritmo di "Steel Pan" specialmente pa un dia cu bo kier relaha bo mente.

Manera por aprecia riba e caratula "Aruba's Most Popular Carnival Hits Calypso Jam-Back Soca".

Pues e CD aki ta contene tur e ritmo contagiosonan cu ta ser spera, cual ta un gran aporte pa e carnavalistanan.

Den un forma magnifico Nico Connor a adapta e hitnan carnavalesco di aña pasa y a trese nan den un




ritmo di "Steel Pan", pero toch cu e toke original, cual tabata un excelente trabao di e maestro Connor.

E CD aki ta contene hitnan manera: "The Wiper" (Roadjam 2000 di BMW), "Eye 4 Eye" (Calypso 2000 Lady K), "Soak on Somebody" (Roadmarch

2000 Rusty-Climax), "Land Called Home" (Galloway & N.B.O.), "Rockin Time" (Explosian Band), "Weh Mary-Ann" (Merry Men) y tambe dos ritmo suave cu ta: "Sweetpan Jam" y "Do It".

E produccion a ser graba den Aruba Recording Studio. E parti di mixing a



ser realiza pa tanto Micheal Odor como e propio Nico Connor. E arte creativo di e caratula a ser diseña pa Ruvette Dirksz, mientras Quick Disc a percura pa imprimi e CD. Mester bisa cu e CD aki ta un otro joya

di produccion di nos propio musico, cual sigur merece su lugar den cada hogar riba nos Pais. Por a compronde cu ya caba e CD aki ta obtenible na e cas di musica di nos propio artistanan cu ta ZZAPP MUSIC...